

bus Suffraganeos tribueret, mutasse. Hinc fit, vt sæpius in primis Concilijs eadem sedes Episcopales ex vna Prouincia recenseantur, quæ in posterioribus alteri tribuuntur. Vnde nec mirum esse debet, si dicta Notitia Græca in multis à Concilijs quoad Prouincias discrepet, cum & ipsa Concilia inter se in hoc diuersa sint. Vnum nobis in tanta diuersitate agendum superesse videtur, vt in enumerandis Episcopatibus ordinem Prouinciarum Notitiæ sequamur, & de his in quibus Concilia differunt Lectorem moneamus.

NOTITIA ANTIQVA EPISCOPATVVM PATRIARCHATVS CONSTANTINOPOLITANI.

THRACIA. PROVINCIA EVROPÆ.

HERACLEA Ptol. l. 3. c. 11. vulgò etiam *Heracilia* Leunclauio. *Serapion* huius Episcopus dicitur apud Socratem lib. 4. Hist. cap. 15. & apud Sozomenum lib. 8. cap. 19. *Phadrius* autem subscripsit Concilio Nicæno primo, *Cyriacus* Chalcedonensi per Lucianum Byziciæ, necnon *Constantinus* Heracleanus Metrop. Europæ adfuit Constantinopolitano sub Agapeto & Menna.

PANIVM Cedreno, hodie *Phanorion* dicitur Gyllio teste. *Andreas* Episcopus Panianus subscripsit Concilio Constantinopolitano sub Agapeto & Menna, act. 2.

COELOS Pomponio lib. 2. cap. 2. Ciuitas Episcopalis in Chersoneso Thraciæ. *Cyrillus* Episcopus Coelensis legitur act. 7. Conc. Ephes. & *Viticanus* Romano sub Symmacho subscripsit.

CALLIPOLIS Ptol. ibid vulgò *Gallipoli*, & Turcis *Gebbole*, teste Leunclauio, Episcopalis dicitur act. 7. Concil. Ephes. in libello supplici Euprepij Episcopi Byzes, vbi dictus *Cyrillus* nominatur Episcopus Coelæ & Callipolis.

CYLA eidem Notitiæ Græcæ. *Theotechnus* Cylenis Episcopus non Cylenis, subscripsit Epistolæ Synodicæ Episcoporum Europæ ad Leonem Imperatorem.

APHRODISIA Ptol. lib. 3. cap. 11. *Theophronius* huius Episcopus subscripsit Epistolæ Synodali Europæ Thraciæ ad Leonem Imp. habuit autem Sabadiam alteram sedem Episcopalem sibi subditam, vt dicitur act. 7. Concilij Ephes. vbi supra.

THEODOSIOPOLIS noua Cedreno, Apri Colonia Ptol. lib. 3. cap. 11. *Babylas* huius ciuitatis Episcopus subscripsit eidem Epistolæ.

CHERSONNESVS Liuius in Europa Decad. 4. lib. 8. & Notitiæ Græcæ item in eadem Prouincia. *Petrus* Episcopus Chersonensis legitur in Conc. Chalcedonensi, cui subscripsit pro Cyriaco Heracleæ Thraciæ.

DRYSIPARA Ptol. lib. 3. cap. 11. vulgò *Misni* teste Sophiano *Theodorus*